

摘藻堂四庫全書薈要

集部

欽定四庫全書蒼要卷一萬三千一百九十八集部

世宗憲皇帝御製文集卷二十

祭文

歷代帝王廟碑亭告成祭文

繼天立極勲華光被於寰區撫世誠民功德丕昭於宇
宙緬懷先烈知創業之維艱歷溯芳徽念守成之不易
我

皇考聖祖仁皇帝綜百王之盛德定萬世之公評

特沛綸音弘修茲祀朕敬承

先志祇薦明禋廟貌增崇既布筵而列位豐碑式建爰
洒翰以摛文備舉彝章用垂曠典於戲皇猷炳煥累朝
之統緒相承至治馨香百代之英靈如在尚祈昭鑒來
享茲芬

關帝廟碑亭告成祭文

英風炳著麗皎日於中天茂典加隆溯靈源於先代增
光秩祀肅展明禋緬惟

關帝氣壯乾坤靈昭宇宙仰

神威之赫濯欽世澤之綿長晉秩上公崇祠後殿頃值
豐碑之肇建特陳雕俎以告虔於戲寵賁絲綸薦烝嘗
於三世文錫琬琰昭義烈於千秋尚冀來歆鑒茲忱悃
都城隍廟碑亭告成祭文

明威有赫資翊衛於金湯秩祀惟虔仰憑依於廟貌肅
陳牲醴用展精禋惟

神聰明正直弘宣福國之功化育生全覃布佑民之澤

朕虔修祀典敬禮

明神春秋之祈報既隆棟宇之規模益擴茲者聿新丹
雘爰勒青珉用遣專官載申昭告仰冀

神功默相靈貺丕彰繡甸蒙庥慶百嘉之暢遂金甌鞏
固樂四氣之調和謹告

明太祖并十三陵祭文

國家善政覃敷鴻恩徧浹而殊禮更施於勝國優秩特
加於後人廢絕之祀復興妥侑之靈有託隆規錫慶奕

禩承休仰惟

聖祖仁皇帝至德同天深仁溥地萬幾之暇睠念前猷
謂有

明太祖創業維勤宅心克廣經文緯武英略蓋於九州
酌古準今制作隆於一代逮於繼世雖無暴虐之君爰
及末年每值災荒之運因賊徒之蠶起致國祚之潛移
我

朝戡定寰區屢加恩澤禁樵蘇而設護詣陵寢以薦馨

然而胄裔寢微春秋闕祀

皇情感惻每眷遺徽

宸翰留貽將行曠典朕上承

先志命考宗文以

明太祖第十三子代簡王之後

恩賜阿思哈尼哈番朱廷樞之嫡孫朱之璉授為一等侯列五等之班備三恪之典俾傳世爵以奉烝嘗載煥儀章用申祭告於戲崇階厚祿我國家特沛夫殊恩濡

露降霜

帝子孫永承其禋祀尚其歆格鑒此榮施

賢良祠祭文

功銘鐘鼎尚書垂元祀之文德冠巖廊周禮著大猷之
典蓋旗常載績本臣子之素懷而俎豆薦馨乃朝廷之
崇報几筵斯設牲醴攸陳爾和碩怡賢親王望重親賢
萃靈川嶽忠誠體國樹當代之羽儀精白一心作群僚
之模範爾大學士公圖海等當

烈祖肇基創造朝多佐命之英逮

皇考膺歷綿長時盛宣猷之彥驅除暴亂定疆寓於域
中震耀聲靈收版圖於海外內則台星卿月奏亮工熙
績之勲外則錫鉞授麾贊阜物安民之化或寬弘為度
喻江海之包涵或清白持躬比冰霜之皎潔或純勤宣
力夙夜靡愆或慎密居心始終一節朕追思前蹟聿考
遺徽特渙綸音用咨廷議允諧公論爰卜良辰既祠宇
之告成序官階而列次將以表揚既往沛酬庸褒德之

恩激勸將來勵懷古欽風之志於戲名傳史牒美茂迹
之長昭禮重明禋想英靈之如在奠茲芬苾尚克歆承
和碩怡親王初次祭文

業成翊贊資藩翰之懿親化致昇平賴股肱之良弼而
況勞績獨高於朝守德位俱隆勲庸迴越於簡編親賢
備美既忘身以盡瘁深悼往而傷懷惟王為

皇考聖祖仁皇帝之子朕之親弟也天與恪誠性成忠
孝凜晨昏之

聖訓謹奉步趨盡臣子之良規仰蒙

慈愛當朕鴻基之初紹命王總理之是膺矢白日以勿
欺竭恭勤而匪懈剛方卓立鎮靜於紛繁之時愜幅自
將贊襄於密勿之地是用益加委任俾展謨猷理軍務
之機宜管度支之出納督領周廬之環衛興修畿甸之
營田而王體朕心為己心視國事如家事總官府之鉅
細經畫咸周殫夙夜之公忠施為悉當至於民生吏治
察利弊而極力敷陳吉士蓋臣辨貞邪而多方保護是

用周知旁燭幽隱得以上聞決策定謀膚功於焉迅奏
佐治安之大計致熙皞之淳風凡歷八年有如一日忠
敬而兼之誠直勤慎而加以廉明朕嘗表之以示褒王
實當茲而不愧功在社稷洵中外所共知名勒鼎鐘亘
古今而罕匹斯乃迓庥

列祖篤生碩輔於皇家荷慶

上天誕降宗親於泰運寬厚仁慈之度宜其延享遐年
和平正直之懷足以祗承多福豈期證候漸致沉綿尚

力疾以入庭每思覲謁迨養疴而移地惟恐聞知朕縈
繫弗忘焦憂莫釋商量醫藥恨療救之無方默禱神祇
歎精虔之靡感雖流芬耀烈非關壽算之短長而一德
同心寧解肝腸之悽愴豐功偉績合配享於

廟廷懿德鴻聲更光垂於史牒親臨朱邱悵望總帷方
頒優恤之恩綸特薦芳筵於初祭於戲眷腹心之密寄
精爽長存念手足之至情音容已隔濡毫紀行書百幅
以難宣醜酒抒哀淚千行而不竭王其鑒格尚克歆承

和碩怡賢親王祭文

嗚呼哀哉賢弟仙逝倏已閱三載矣音容儼然遂隔幽
明思念纏綿與時俱積從前奠醊悉循國家之典制而
為文祭告亦多授意搗詞今則葬期已屆揮淚含痛自
製祭章親率宮眷及諸弟子姪輩以家人之禮致奠攢
廬至情無文直抒胸臆惟賢弟聽之憶昔幼齡趨侍
庭闈晨夕聚處比長遵奉

皇考之命授弟算學日事討論每歲塞外扈從形影相

依賢弟克盡恭兄之道朕兄深篤友弟之情天倫至樂
宛如昨日事也朕兄臨御之初實賴賢弟為腹心股肱
之寄賢弟秉忠誠之至性展翊贊之嘉謨凡有關於吏
治民生國政軍計者無不悉心籌畫慎密敷陳務期海
宇乂安蒼生被澤即宮中府中事無鉅細亦莫不措置
咸宜經營悉當自古史冊所傳良弼懿親一心一德者
疇能與賢弟比倫乎賢弟之德備矣功宏矣不亟為表
揚以傳永久朕兄之心其能安乎縱極力表揚而於賢

弟之丹誠偉績又豈足云報乎嗚呼修短之不齊者數也生死之難忘者情也得賢弟而中道棄捐朕兄之德涼也賴朕兄而遺徽表著賢弟之福厚也今者朕兄以念弟之深痛弟之切大顯其勲名尊崇其典禮凡經理於身後者無不殫竭其心思而賢弟生也榮死也哀名既不朽壽且無疆賢弟之福不已全乎假令克享大年後朕而逝即朕之孝子順孫善體朕心亦未必能洞悉賢弟數十年之心跡如今日朕之經理周詳固有遺憾

然則賢弟洵有全福而朕之懷憂抱恫失所依毗其福不及賢弟遠矣朕兄數年以來追慕

皇考

皇妣明發有懷悽愴曷極今賢弟又舍我而仙逝矣既抱終天之恨更增同氣之悲含酸茹嘆其何能自己耶賢弟忠愛之悃朕兄所深知况萬幾在御決不肯過自悲傷以貽九京之隱痛惟有敬念

皇考付託之重深體賢弟輔弼之忱於當日忠謹箴規

之言比時未曾見諸施行者必追憶而悉踐之力圖政
治之有成以不負

皇考不負賢弟庶幾在天之靈為之欣慰而默相庇佑
焉嗚呼援筆寫心肆筵饋奠哀哀滿紙淚酒盈觴賢弟
其領受之嗚呼哀哉

誄

和碩怡親王誄

并序

雍正八年五月初四日和碩怡親王以疾薨於位春秋

四十有五嗚呼哀哉維我弟賢王夙承

皇考聖祖仁皇帝懿訓陶鎔德器諳練謨猷以忠誠正
直之心沉毅堅剛之力寬厚和平之量精明豁達之才
輔翼朕躬勤勞王事宮府一體上下同心萬幾之協贊
匪輕八載之恪恭如一國尊良弼誼切懿親斯固

上帝之庇佑邦家

皇考之保安宗社默佑我賢王以弘宣偉烈永佐昇平
而眉壽蕃禧自將申錫於無疆者也詎意謀猷方壯倚

賴殊殷累月沉疴一朝薨逝悼服肱之莫寄悵肺腑而
難言友愛之情纏綿曷已嗚呼去歲冬聞王有疾心焉
憂之選醫視藥祝禱神祇日夕徬徨迫冀痊可迺王則
時覲庭軒時移遠墅恐病狀之宣露致心緒之牽縈力
疾上言多方安慰迨王言旋京邸朕以祈雨還宮聞王
疾篤命駕臨視王知之脫然仙逝蓋不欲以永訣傷朕
懷焉嗚呼王於生死存亡之頃惟知有君而不知有身
王之心至是安矣朕將何以為情哉王之薨也王公卿

尹僚吏弁卒欽王之德望佩王之教澤感王之恩施者
罔不驚悼倉皇涕泗相告謂王為國柱石為世楷模失
我賢王我將安仰及至發引之辰徒行而送者萬計貴
賤老穉匍匐呼號嗚呼王之生也人肅然敬歿也人慘
然悲非王之賢何以致此然而王之美德懿行不樂人
知人亦無從而知即朕知王之深亦言之而莫能罄也
雍正四年朕嘗書額賜王曰忠敬誠直勤慎廉明八字
之褒無溢詞有遺美焉王純孝之性徵於髫髻凜遵

慈誨謹度飭躬以故榮遇有加始終勿替朕御極之初
命王總理國政屹然靜鎮衆莫能撓盖王識力迴越仁
智兼優敏決而默運小心嚴明而善持大體其領度支
也賦式維均出納有節其營水利也心勞樹藝績底平
成其於吏治則惠民者興曠職者去見聞所及鉅細敷
陳其於人才則不棄微長弗苛小過鑒別悉當培植良
多至於嚴督禁旅密運軍機轉餉籌邊更徵武略王少
稱神勇留意兵戎帷幄運籌計周萬里以故年來征討

重賴其能嗚呼王之厚德豐功昭然天壤而王之造膝
籲請大有造於國家者中外臣民無由通曉及今而不
言美將湮焉朕心何忍維王誠心愛國好善施仁護端
正之賢藩保忠勇之良佐蠲浮徵而永紓民力補虧帑
而不事追賂宿逋子裔亦予矜全細過羣僚悉還舊秩
凡此皆王之一片公心平時讜論為熙朝植良善為盛
世沛恩膏而密勿之請命宣忠其為功於寰宇者不誠
大且遠哉稽之周禮司勳有曰凡有功者書於太常祭

於大烝然則太廟之饗配以有功固酬德報勲之彛典也如我怡親王之純孝純忠以光輔鴻業則為

皇考之令子大猷大策以底定丕基則為

列祖之功臣几筵分配永顯殊庸集議於朝僉云允協王固建不朽之盛烈稱宇宙之全人矣嗚呼儀文具備悲悼徒增加謚崇封聊申隱痛朕上念

九廟付託之身下納百僚勸慰之語亦復深自節抑未敢過情惟是德心之契昆弟之親實有迥異於尋常者

情極而悲時難自遏不得已仿古昔哀誅之體備述令
德攬淚成篇俾千萬世子孫臣庶周知遺烈追慕賢藩
其詞曰

天昌鴻祚國仰元臣興朝篤慶睦族敦倫友恭之軌史
牒炳麟纘承大統倚毗懿親偉矣賢宗厥惟淑弟手足
相依腹心攸繫堦筮克諧鹽梅互劑愛以親生心由天
契朕懷乾惕凜若冰淵樹旌振鐸饑渴求賢疑丞輔弼
疏附後先顧茲上爵孰秉中權於維我王位崇德備三

光麗霄五嶽鎮地緯武經文懷仁抱義總攝之司惟王
弗愧王心精白如日皎然王性果決如玉彌堅精思獨
運巨力能肩鞠躬盡瘁於茲八年八年星霜九重宵旰
班集晨墀牘陳夕案一字無欺片言善斷不憚辛勤良
勞翊贊心膺協應形影追隨時都時俞時警時咨臨軒
俯聽趨殿書思雍雍式好肅肅其儀朝宁家庭千秋萬
歲骨肉深恩永懷勿替寸晷未離何堪長逝異地猶悲
奚容隔世嗚呼哀哉人生不朽曰德與功德臻盛大功

極穹窿氣充天表神滿寰中壽民壽國齡享奚窮維王
大忠可貫金石維王深仁代宣雨澤扶翼天樞滋培國
脉百鍊之金無瑕之璧其忠維何本乎至誠心在社稷
屏絕私營其仁維何原於好生惠施朝野不市虛名胸
有鈞衡身為屏翰邦之九賦默抒成奠國之六師獎勤
警玩調燮咸宜經綸兼貫明農治地率吏安民有聞必
奏罄意而陳懷抱冰雪氣煦陽春化被黎庶德徧臣鄰
赤誠之佐保以百口青海之師紓其掣肘衛國者心迴

天者手咎且弗辭功於何有朕沛大澤實允王言為王
造福慶衍璿源偶與王語汗若泉奔稽首辭謝曰天子
恩公忠如彼仁厚若此甫申鍾靈旦奭媿美元化方調
瑞徵旋起何意亨衢遽羈修軌茂勲赫奕顯秩峻增望
垂惇史饗配大烝禮因德備諡以功增

廟庭禮典王克歆承峩峩賜瑩神筮叶吉屹屹豐碑煇
耀星日赤鳥袞衣永安靈宅雲馬風車出遊象闕嗚呼
哀哉德動天鑒慶象昭彰吉人舉事瑞現雲光善孚衆

志仰戴難忘萬聲合慟奠醞悽愴生榮死哀於斯已極
惟朕深情輾轉胸臆恭順之容依依若即忠謹之言歷
歷堪憶總帷親奠莫解幽憂素服匝月未釋深愁鵲鴿
聲婉棠棣花稠交暉園近雲物先秋王有良嗣朕其訓
誨王有殊勲朕其紀載仰荷皇圖寧不自愛抑情紀哀
傳流億代嗚呼哀哉

世宗憲皇帝御製文集卷二十

欽定四庫全書薈要卷一萬三千一百九十九集部

世宗憲皇帝御製文集卷二十一

詩 雍邸集

春園讀書

一片芳菲上苑東
晝長人坐落花風
蒙茸細草侵階綠
濃艷夭桃映閣紅
香惹遊蜂窺几席
晴薰舞蝶傍簾櫳
韶光脉脉春如海
諷詠芸編興不窮

山池晚步

夕陽斜映綠波清閒傍長橋步履行山靜鹿過銜瑞草
溪平魚泳趁飛英濛濛嵐氣侵衣潤款款香風撲面輕
徙倚景光天欲暮凌虛樓閣帶霞明

咏白鳴鐘

巧製符天律陰陽一彈包絃輪旋密運鍼表恰相交晷
刻毫無爽晨昏定不消應時清響報疑是有人敲

春日泛舟

蘭舟宛轉浪紋平一擢容與蕩晚晴上苑深春芳草綠

西山落照遠峯明
長空鴉返千林暝
絕塞鴻歸萬里情
縹渺中流憑覽勝
始知仙境有蓬瀛

夜坐

獨坐幽園裡
牕開竹影斜
稀聞更轉漏
但聽野鳴蛙
活泉流玉溶溶
月照沙悠然
怡靜境把卷待烹茶

春暮登樓

坐惜芳華晚
登樓獨舉觴
眼看春色暮
行踏落花香
藻密魚堪隱
林深鳥易藏
憑欄無限思
新月逗清光

月夜對落花有感

落花滿徑月朦朧
夜靜閒吟料峭風
煙外鐘聲來院落
天邊桂影入簾攏
萋萋芳草春將去
冉冉韶光酒莫空
新綠成陰紅紫減
清和天氣正沖融

月下獨酌

春月娟娟映水清
一斟一酌聽泉聲
微風暗拂花枝動
幾點殘紅撲酒罌

春院小飲

春深紅紫映樓臺
檻外風香花盡開
東海玉盤看乍湧
恰逢童子抱尊來

雨霽

節屆清和春未賒
看山不厭半雲遮
微風扇暖蒸新雨
為我催開後院花

暮春

春暮饒佳景
閒行踏碧苔
落花浮水面
戲蝶舞牆隈
風拂蘭叢暖
陰移竹影回
流光將入夏
更有牡丹開

立夏

熏風吹水綠於苔
羲馭徐催朱夏來
隄畔龍鱗皴古栢
庭前兔目綻新槐

暢春園芍藥花開作

首夏清和殿閣開
園中景物足徘徊
翩翹紫燕銜泥去
睨眄黃鶯過水來
槐影初圓當永晝
桐陰漸引上層臺
更憐芍藥臨風好
香襲書幃錦作堆

花間小飲

長夏初臨芍藥開
熏風拂席送香來
仙姿綽約翻紅袖
月影婆娑照綠盃

曉晴

曉起浮窓日色明
苔痕滋碧露光瑩
繞階幾樹看花發
對岸一聲聽鳥鳴
潑刺遊魚翻浪急
低徊舞蝶傍簾輕
春雲漠漠寒偏峭
默乞天公十日晴

宮中直宿作

寶殿燭輝煌
承恩宿未央
御鑪香不燼
宮漏滴初長
階

砌移花影杳，愚透月光太平無一事，常願奉

君王

夏日讀書

夏日書齋靜，荷風拂檻來。芬芳盈几席，翠帙帶香開。

早行

早行晴野樹如煙，日出東山映繡韉。寂寂荒村臨水際，
翩翩飛鳥向雲邊。空濛朝露侵衣潤，艷冶閒花入目妍。
扈從

鑿輿承

色笑欣隨豹尾快揚鞭

江邊書屋

湍響聽瀧瀧簾開對大江
園幽人跡少把卷倚南窓

晚登海河樓

晚景登樓望波涵夕照明
觀瀾清俗慮倚檻動詩情
孤鷺衝霞去扁舟向海行
悠然塵境遠惟聽棹歌聲

題友人園

茹堂氣象幽墻角遠清流雨霽西山近風來北牖秋踈
擔看皓月輕舫逐浮鷗即景陳杯斝心期好自由

賜觀金蓮花

異種遙從塞外傳香臺曾為捧金仙檀心吐艷熏風裏
鈿朶含芳積翠邊月殿桂飄難比瑞秋籬菊綻不同妍
移來御砌增佳翫千葉休誇太液蓮

友人書屋

羨君瀟灑致如仙心遠何妨地更偏雨洗嵐光青入牖

風搖竹影綠當筵

雨牕

茅簷飛細雨爽氣乍侵人
移榻臨牕坐詩懷自覺新

熱河園中避暑

別業遙連上苑邊承恩避暑興怡然
蘭舟曉泛清波裏
荷蓋擎珠顆顆圓

夏日泛舟

殿閣風生波面涼
溯洄徐泛芰荷香
柳陰深處停撓看

無數纖儵戲碧塘

園中即景

林亭幽靜晚風涼
水氣侵衣荇藻香
好景片時期莫負
開牕披卷意徜徉

晚泛

畫撓閒泛暮霞明
風細波微暑氣輕
更轉碧山尋勝蹟
恰逢雙鶴似相迎

月下閒步

閒行曲岸邊西嶺暮蒼然草蔓迷幽逕橋危咽細泉溪
風吹緩帶夜色逼吟肩徙倚看林杪雲開月影遷

觀雨

密雨如膏灑碧絲稻花漠漠遶長陂虛齋睡起推牕看
私喜甘霖正及時

前廊

曲廊斜轉接修篁坐倚層巖意興長細草敷榮侵榻綠
野花爭艷襲衣香碧梧枝上聽蟬噪翠柳隄邊看鶴翔

此際閒身無一事怡然嘯詠自徜徉

書齋秋暝

幽齋新雨後爽氣泛池荷碧落踈星淡晴窓皓月多
隔花聞漏滴倚枕和漁歌更愛流螢好悠揚拂檻過

恭待乾清宮

殿閣參差際碧天玉階秋草靜芊綿雲開北闕祥光滿
雨過西山霽色鮮寶座金爐香靄靄彤墀仙掌露涓涓
承歡頰荷

溫顏接凜惕趨跄

繡宸前

中元侍從

中元令節慶皇州雲散晴空暑氣收
薄海兆民歌大有
鈞天廣樂奉宸遊
瑶星合彩蘭盆映銀蕊
分光蓮浦浮
燈月交輝看似晝

聖情怡豫太平秋

山翁

山翁避暑在山中竹籟松濤面面風三樂啟期何所事
朝陽睡到夕陽紅

漁翁

漁翁獨釣曲江灣春雨秋風總是閒
滿眼兒孫長繞膝
賣魚沽酒醉蒼顏

運河舟中二首

扈

躡乘文舸沿流闊運河曉窓飄白絮
夜岸沐金波酒幔

籬邊颺漁舟葦畔歌長途看美景偏覺此中多

其二

解纜放中流晨光漾桂舟遠村煙淡淡野老意悠悠拋
粒遊魚聚依萍乳鴨浮水天同一色疑是泛瀛洲

登望海樓

觀海登樓日未斜晴空萬里淨雲霞纔經一陣風過檻
倏起千堆雪捲花貝闕鰲峰如可接鵬津鮫室豈終遐
詭詞未許張融賦到此方知語不誇

自鳴鐘

八萬里殊域恩威悉感通
珍竒爭貢獻鐘表極精工
應律符天健聞聲得日中
蓮花空製漏奚必老僧功

詠玉泉山竹

御園修竹傳名久嫩篠抽梢早出墻
雨滌微塵新浥翠風穿密葉澹聞香
低侵幽澗波添綠靜罩虛牕影送涼
更羨堅貞能耐雪長竿節節挺琳琅

秋夜

新秋秋月照虛檐
寂歷山扉夜不闕
默坐焚香遺萬慮
蕭蕭梧竹水潺湲

晚晴

雨餘林隙漏斜曛
石砌幽花似茜裙
爽氣漸來殘暑退
移牀巖畔看秋雲

聽蟬

幽齋人跡少
蟬翼響疎林
大火方流序
微涼早託音
乍聽分遠近
欲覓隱高深
旦夕軒亭外
清機伴我吟

題劉松年畫

瀟灑松年畫，丰神迥不羣。
松杉相間秀風水，自成文柔。
櫓輕隨浪蒼山半，入雲超然三島境。
何處得塵氛。

臨流

脉脉清渠遶舍流，移牀就柳坐溪頭。
鏡涵霽影浮斜日，波映寒光報早秋。
村畔砧聲聽漸暝，林端蟬翼噪逾幽。
此中偃息容踈懶，底用乘槎海上遊。

扈

蹕途中觀穫

秋爽獵邊城天高氣象清
登場占物候觀穫暢

皇情巖谷縈車騎雲霞拂旆旌
豫遊叨扈從薄劣愧恩榮

塞外中秋

駐蹕邊庭夜中秋一鏡圓
遙從滄海畔飛落碧峰巔
溢彩浮堯箏流輝拂舜筵
坐深光愈迴景物倍清妍

大獵

五校瑀弓勁三秋野獸肥
乘時講武事大獮振兵威
狡兔寧藏跡封熊悉入圍
獵歸數軍實落日照龍旂

塞外秋興二首

路出關山外秋空日漸高
清霜凝曉旆寒色透征袍
風勁飛鷹捷川長獵騎豪

皇威揚四遠邊徼戢弓刀

其二

駐蹕依林麓風多野水鳴
旌旗飄暮靄鏡吹咽邊聲
雞

塞霜逾白龍沙月更清
卻看行殿外諸部盡歡迎

題范蠡載歸圖

獨有艱危時方見子臣職
吳越爭雌雄彼此各努力
夫差好拒諫只為紅顏惑
所以范大夫留之恐傾國
功成載歸湖斯意無人識
朗然照青史去住皆可式

答友

筆健如錐世共稱開緘
但覺霧雲興深藏未許懸
齋壁直恐龍蛇帶雨騰

瀛臺泛舟二首

春深遊上苑，鼓枻盪中流。
波湧方壺島，林開翡翠樓。
落花飄兩岸，垂柳拂扁舟。
此日歡無極。

君恩被特優

其二

暮轉西池棹，風微錦浪平。
蜻蜒閒自得，鷓鴣遞和鳴。
舉網雙鱗獲，停杯四韻成。
仙山何處訪，即此是蓬瀛。

即事

當晝垂帷靜清和景物佳鋪箋摹古帖披卷暢幽懷
檻外花香度簾前燕語諧日長真似歲綠竹伴虛齋

初夏至玉泉山

綠野薰風至夜來春已過撲衣飄落絮貼水出新荷
浪暖魚吹沫泥香燕作窠臨泉聊命酒披拂愛煙蘿

書齋坐雨

長夏書齋靜雲低拂講帷竹風掃翠石荷雨滴清池
逸興開新釀閒情檢舊詩晚涼生几席團扇不須披

午日

天中節屆日逾賒解愠熏風透薄紗處處相酬三角黍
家家笑饋五時花蒲觴引滿巡筵轉桂楫如飛競渡譁
四海纖邪銷影跡佩符何用繪丹砂

世宗憲皇帝御製文集卷二十一

欽定四庫全書蒼要卷一萬三千二百 集部

世宗憲皇帝御製文集卷二十二

詩 雍邱集

便殿恭侍

承歡便殿接天香
披拂薰風愛日長
時雨連朝滋稻隴
晴霞一片映湖光
凜遵

聖訓聞詩禮
勉竭愚忱效頌揚
浩蕩恩波淪億兆
衢歌喜聽祝無疆

狼居胥山大閱十韻

帝為生民計狼胥大閱兵窮荒金鼓震朔漠旆旌明令
出山川動威揚神鬼驚技嫻百戰勇恩重一身輕預卜
妖氛散懸知海宇清彼狂擒子獻蠢爾倒戈迎遁去渾
無路爭歸盡布誠鷹搏驅鳥伏螳臂駭車行不憚殊方
遠惟期邊塞平濡毫歌懋烈吉日愧難賡

功成回

鑾恭頌二首

指顧靖邊烽懷生盡服從遐荒歸禹甸大漠紀堯封廟
算無遺策神功邁昔蹤凱旋旌耀日光景霽

天容

其二

翠華旋萬里即日解征袍共仰神機邃深維

聖體勞凱歌喧後隊巷舞牙前旄拓土無中外
皇猷協覆幬

扈

蹕山行

紫塞秋山麗霜楓錦作堆
草深麋鹿伏風急雁鴻來
瀑水穿林響寒花向日開
忻隨清蹕後攬轡重徘徊

塞外觀稼

邊陲環沃壤樹藝遍臯陽
東作頻霑雨西成未隕霜
兩岐占瑞應遺秉見豐穰
比戶盈寧日衢歌感

聖皇

觀漁

羽衛隨行幄透迤綠水隈掉分寒藻入波湧錦鱗來網
罟無空舉鱸魴自暴腮烹鮮供

御饌竟日豫清洄

冬日

聖駕自塞外回鑾謁

陵恭紀

威德綏荒服

乘輿按部回歡聲盈朔漠瑞靄被龍堆鞭拂霜花淨旗

飄野吹開更遵豐沛路

陵殿薦尊壘

陪京

新豐傳舊里今覩濯龍池
天地開神奧山河啟
帝基金戈勞百戰玉葉衍千枝
追遠

皇情切趨從仰孝思

侍從興京謁

陵二首

承先宗報本橋道駐龍旗萬國梯航集敷天雨露隨精
誠通寢殿肅穆奉宗彛敬仰松楸古昭森盛烈垂

其二

龍興基景命王氣結瑤岑不覩艱難迹安知啟佑心山
河

陵寢壯弓劍歲時深盛典叨陪從威儀百爾欽

登望海樓

極目澹滄海涵泓無所從量包天地外色染古今容浪

起思鯤化雲飛羨鶴蹤坐觀淵默裏萬派自朝宗
皇父勘河省方不獲奉侍瞻戀慚悚交迫於懷敬成一

律

河漕籌國計疏導恤民生俯允廷臣請親勞

聖主行未能隨

法駕何以效愚情定省無由達中宵愧悚并

聖駕南巡自春徂夏瞻依心切恭賦斯篇

春光荏苒熏風至

聖駕勤民尚未還幸有堦簷隨越舸愁無羽翼赴吳關
晨趨北闕螭頭上夜夢南雲豹尾間
清蹕恭迎堪計日幾回翹首潞河灣

皇父親祀北郊甘霖大霈恭紀

甫竣宣防畧鑿回五月中郊原需惠雨稼穡切
皇衷方澤期將屆精禋事必躬禮成霖澍霈
聖意信天通

雨後即事

雨足適新晴
翛然天宇清
殷憂舒

北闕櫺比望
西成殿閣微
風度階除殘
暑輕濡臺思
誌
喜未黍競滋榮

立秋日怡情亭

亭引微風暑氣蠲
碧空如洗淨雲煙
地饒佳景供清賞
節送新涼稱午眠
幾處蟬鳴啁積翠
數行魚隊樂漪漣
誰云秋色多蕭瑟
無限青山入目妍

孟秋扈

星疎紫禁啟金扉銀燭輝煌映瑣闈鐘鼓聲催仙仗肅
虹霓影逐彩旂飛寒風幾度輕搖珮瑞雪初飄乍點衣
喜觀太平文物盛天香滿袖早朝歸

雪夜印事

永夜漏方中瓊瑤灑半空氣侵書幌冷光閃燭花紅興
洽張琴好心清得句工詰朝恭省候披拂玉階風

元夕

皓月高懸不夜城燈輝萬井慶昇平臣民語和嵩山語

喧笑聲連爆竹聲
火樹拂雲飛赤鳳
琪花滿地落丹英
金吾弛禁歡遊劇
載路笙歌直到明

詠黃河燈

華燈夜滿原布置
列星繁縹緲探三島
離奇演八門旌
旗隨火轉語笑逐風喧
寓意藏韜畧遊觀荷

聖恩

早春

凍解和風至
璿杓正建寅
叢梅初綻玉
餘雪已銷銀
柳

眼窺人近鶯聲到耳新
須知迎日處應早被陽春

舟次

扈

蹕閱長河微風起碧波
牙檣連百里珠旒轉層坡
拂几調琴韻臨牕聽棹歌
時清多樂事萬彙總春和

晚泊

傍柳泊湖船停橈薄暮天
遠村煙樹裏歸雁水雲邊
釣叟垂香餌樵童曳紙鳶
江鄉民物美風景更熙然

順風放舟

長河風力駛千里片帆輕
槳歇村頻轉橈停岸自迎
野鳧衝荇起歸雁拂雲鳴
試問郵亭吏何如駟馬行

天津舟中對月

初月照扁舟潮聲洗客愁
孤村一樹矗隔岸數帆收
霄漢聞鳴雁沙汀玩宿鷗
漁歌入夜寂風景似清秋

水圍

春日獵汀洲歡聲拍浪浮
雲檣排八陣桂棹競中流
鳴

鏞摧騰羽飛煙罨綵旂昆明誇水艦豈足擬

宸遊

春日潞河

潞河初解凍桂檝溯滌洄霽色明書帙春濤勸酒杯雲
排羣鳥度風鼓萬帆開扈從軒遊日惟慚作賦才

自暢春園入城途次口占

錦堞連雲日欲西暖風弱柳玉河隄翩翩紫燕如相識
一路飛鳴逐馬蹄

春日隨

駕舟次

新柳綠絲柔依依拂

御舟悠揚牛背笛款乃水邊謳翠羽飛桑扈嬌音轉粟
留春晴天氣好歡喜奉

宸遊

園居

十分春色屬清明翠積嵐光媚曉晴簾幙爭飛村社燕

池臺巧轉上林鶯青絲搖曳紫煙檻紅雨霏微撲繡楹
賦罷小詩清晝永閒隨白鶴柳邊行

春郊

策馬向春田閒遊野趣偏飛花時點袂舞蝶故隨鞭
密藏溪鶯風高戾紙鳶酒旗遙入望茅店古松邊

閱永定河應

制

帝念切民生鑿輿冒暑行遠堤翻麥浪隔柳度鶯聲萬

姓資疏濬羣工受準程

聖心期永定河伯助功成

巡子牙河建壩應

制

承恩隨鷁首私幸覩

皇猷躬定安瀾策民無昏墊憂秧針抽複隴梅雨灑良
疇勉效河平頌多慚士女謳

恭覩

聖心勤勞頌揚不盡又成長句

叨陪

法駕閱新隄夙夜辛勤閱庶黎底定九河功媲美時巡
三輔典堪稽煙村黯黯青帘颺岸柳陰陰白馬嘶沉璧
寘新誠默契神人應有綠圖携

秋日

浙瀝金風暑漸收園林景物足清幽青山環列遙如畫
銀漢斜暉望欲流露咽寒蛩聲唧唧月明野鶴意悠悠

豐年不用農人告
手把香秬驗有秋

作書

搦管曾聞渴驥奔
魚箋揮灑墨香痕
雖慚腕弱無佳致
淨几明牕頌

聖恩

荷花

玉井移根種
亭亭曲沼中
紅衣初墜粉
翠蓋晚搖風
隔浦纖歌隱
回塘麗影同
彩鴛雙泳處
珠露瀉香藜

對月

新秋玉露洗長空
冰鏡孤懸映綺櫳
一片清光涼似水
萬年宮樹照青葱

秋雨

一雨收殘暑微涼
發樹端風清催早桂
氣潔媚幽蘭
曲沼波痕漲平疇
稻穎繁詩成晚霽
後秋月逗煙巒

駕幸新園

警蹕臨山墅
仙雲拂曉來
池臺增景色
旌蓋仰昭回
野

鳥迎鑾舞閒花傍輦開歌慙魚藻詠賦乏上林才

宮中秋日應

制
限暉闈衣歸

九重殿閣卿雲繞鴛瓦參差麗曙暉北闕輕陰連瑣闥
西山爽氣裒彤闈疎桐轉影遙迎蓋早桂含香乍拂衣
欲頌高深言莫罄朝朝慚戴

聖恩歸

皇父頒賜

御製詩扇恭紀

慈恩莫並與天崇

御製遙頌寵錫隆揮灑仙臺凝湛露捧搖寶扇被仁風
四詩尋繹

宸章裏八體兼收

睿筆中

聖蘊難窺真萬仞於茲力學願磨礪

禁苑秋霽應

制有序

康熙庚辰秋七月十九日時雨初晴風日清朗新涼入
座林沼澄鮮

皇父聽政之暇親洒

宸翰製禁苑秋霽詩一章命諸昆弟分賦應
制臣未及與向晚趨

庭荷蒙

頒示天籟琳瑯雲章絢爛回環捧誦莫測

高深又

命臣補賦伏念臣才學弇淺初研聲律未涉藩籬恭覩
聖藻昭垂目奪神移益深愧悚仰承

恩諭

君父之前詎敢自藏其醜謹呈蕪句用博

天顏一笑云爾

靈囿逢秋霽西山曉翠張澄波添太液爽氣發長楊叢
桂含香嫩踈桐轉影涼

宸襟披拂處魚藻有輝光



世宗憲皇帝御製文集卷二十二



總校官庶吉士臣張能照

校對官檢討臣王福清

騰錄監生臣宣葆光

騰錄舉人臣勵守訓

欽定四庫全書薈要

集部

世宗憲皇帝御製文集卷二十七

三至七

詳校官原任編修臣徐立綱

欽定四庫全書薈要卷一萬三千二百一

集部

世宗憲皇帝御製文集卷二十三

詩 雍邸集

望海樓二首

雄傑聳層樓碧海蒼茫遠望收
混一乾坤雲水闊

濯磨日月浪花浮百川輸委盈襟帶
萬類涵濡任泳游
聞道此中覃帝澤幾曾汪濊有停流

其二

朱欄畫棟最高樓海色天容萬象收海底魚龍應變化
天中雲雨每蒸浮無波不具全潮勢此日真成廣漢游
仙客釣鰲非我意憑軒惟是羨安流

瞻仰盛京宮闕念

祖宗創業艱難恭賦二十韻

奉

命趨遼海猗歟仰舊宮逶迤龍脈遠誅蕩鳳城雄念昔
開洪造乘時建武功師征方自葛考卜重遷鄴一劍風

塵際三陸指顧中神威宣率土

皇極協蒼穹式廓彌增壯維垣遂克崇八門連閩域雙
闕竦高空曳珮干官列翰琛萬國同兵農咸定制禮樂
漸移風爰及純熙介覃敷景厯融寰區欣奠鼎故里抱
遺弓沛邑恩優渥春陵望鬱葱星躔爭拱北王氣本從
東綿瓠鍾靈盛疑麻後裔蒙

聖慈殷孝享

敕諭遣微躬肅覩興京勝恭承祀典隆丕基勞櫛沐奕

葉荷幘幪松檟靈祇護檐楹肱蠶通

祖宗光烈在明發惕愚衷一

曉度杏山

曙色催樵牧山崖徑鬱盤霜凝鴉背白沙印馬蹄乾海
氣籠朝旭林飈送早寒鳳城清漏隔遙憶

寢門安

望醫巫閭山

翠黛滿雲封遙看北鎮雄壯觀侔五嶽峻秩比三公葱

鬱興王氣扶搖廣莫風勒銘維

祖烈瞻仰萬年同

渡句驪河

遼水東西岸寒雲接渺茫平沙留鴈跡
猴火靖龍荒木落晴巒出冰堅雪練長
經時踈定省望日陟高岡

謁

福陵恭頌

一峰天柱象崑崙聖武開基百世尊

廟貌輝煌藏劍烏塵氛盪滌闕乾坤赤龍遐舉雲留影
石馬宵趨汗漬痕赫濯聲靈通俊肅春秋霜露感長存

謁

昭陵恭頌

鍾靈毓秀氣佳哉宇宙從茲景運開

帝統兼因文治廣

聖基豈獨武功恢遼韓海水涵深澤松杏山高接上台
虔肅奉觴恭拜畢五雲飛處久徘徊

避暑口外

爽塏高原古上都鬱蒸節候熱全無千尋木蔭招涼扇
幾道泉飛辟暑珠時任鏤冰為鳥獸灣從銷夏泛菰蒲
銷夏灣在吳郡洞庭西山何如此地隨

仙蹕披拂清風勝舞雩

口外山村

鳥外窺烟樹微茫磧路斜地寒宜種黍坡暖好栽瓜
比戶裁駝褐居人置兔罝誰將淳朴意傳寫入中華

田家即事二首

沙磧高低禾黍盈，羣飛銅雀繞田鳴。
竹弓蒿矢堪驅嚇，漫向黃雲試射聲。

其二

戍烽罷舉息征塵，肆力耕耘屬幸民。
榆柳陰疎秋社近，緣邊笳鼓賽田神。

中秋從獵塞外

萬里清輝度塞寒，一輪飛鏡耀雲端。
穹廬影靜金波蘸。

行漏聲沉玉露溥光射龍沙明遠磧香飄仙桂拂層巒
普天今夕同忻賞何似趨承

膝下歡

金蓮花

菡萏敷鮮彩絢爛雲錦重茜裳雜縞袂擢艷白復紅根
株徧陂澤名品將無同昔傳天竺師鉢咒青芙蓉非關
造物力色相自虛空獨有金蓮號圖譜考莫從我來古
塞北野卉競丰茸羅生巖谷底瑣屑焉能窮燦然觀奇

葩誰施冶鑄工六丁鼓爐鞴幾費丹陽銅鏤刻成千瓣
片片黃金鎔碧莖裊翠葉挺出薰風中儼如九品臺寶
絡垂玲瓏金仙此趺坐演偈降猊龍幽芳宜見賞輦路
會當逢亭亭黃屋側照耀銜壁釭宸遊每披拂香氣向
日融願言植堦砌淨浥清露濃惜哉遠難致忍令伍蒿
蓬綴詞續花譜以冠羣芳藂

塞上晚眺

倒影餘霞麗晴沙入望平千峰含暮靄萬幕起秋聲度

壟牛羊下歸鞍雉兔盈
割鮮將進酒邊月照高旌

雨後

涼雨晴偏好邊秋氣轉清
虹從林杪斷月傍隴頭生
落葉飄含潤回沙溜有聲
仰看羣雁度寒影貼雲明

扈

駕幸檀柘寺恭紀

省耕郊外鳥聲歡
敬從祇林擁八鸞
法苑風飄花作雨
香溪水激石鳴湍
含桃密綴紅珠樹
嫩籜新抽碧玉竿

勝地從容駐清蹕
慈雲鎮日護巖巒

看竹口占

林含虛籟扇清和
翠篠娟娟浥露多
結實成陰偏得所
幸邀

鸞馭數經過

御賜櫻桃恭賦

朱實纔春薦宮鶯
啄未殘香堪齊蜜
荔枝味自奪冰丸
圓轉珠千粒輕勻
露一盤天厨欣惠
賜絕勝駐顏丹

扈

駕觀麥

雨潤郊原奉豫遊
勤民

御輦向西疇
搖空翠浪
沄沄起覆隴
黃雲冉冉浮
三白
降穰占歲稔
兩岐擢秀應
農謳佇看
比屋連
勅動擊壤
聲中麥有秋

曠然塵慮清

性靜涵真趣
澄觀宇宙中
未離人境外
頓覺俗情空
有

色穿簾月無心過竹風一聲長嘯罷俯仰浩靡窮

四時詠應

制

春

土融波暖遍陽春
現晚雛鶯學語頻
嘉卉滿園爭獻笑
良苗接畛亦懷新
韶華有意留三殿
惠澤無邊及兆民
畿甸時巡東作始
康衢忭舞頌

堯仁

夏

麥黃節候屆朱明百草蕃滋萬彙榮
檉覆槐陰當午密階羅葵萼向陽傾
濯枝雨過園林潤解愠風來殿閣清
一榻桃笙臨水畔對時育物豫

皇情

秋

碧天薦爽火西流序轉商飈應蓐收
警鶴聲中清露下征鴻影外斷雲浮
梧楸蕭瑟宜新霽禾黍離披慶有秋

省歛順時勤

御蹕不耽清興宴瓊樓

冬

飄風發發迎嚴節瑞雪霏霏增暮寒納稼三農休葑屋
飛葭九陛肅郊壇梅踈破臘開溫室竹勁凌霜挺玉欄
敬惜歲餘矜

聖訓忻依

內殿日承歡

癸未歲隨

駕南巡渡揚子江恭紀

敬從泛樓船春江二月天雲開孤塔迥風送遠帆聯津
柳迎

清蹕沙洲接

御烟中流回望處翠岫列晴川

癸未中秋對月時以疾假不獲扈從出塞感賦

十載中秋月都從北塞看祇今臨皎鏡遠愧隔

鳴鑿暑退身差健宵良意強歡當軒對樽酒重念
聖恩寬

皓月鑒丹宮

新秋爽氣滿瑤京駕瓦流輝一色明耿耿銀河低紫禁
溶溶冰鏡上丹楹素娥珮冷凌風響金桂香飄合殿清
但願千秋輪不缺團圓光彩對常盈

小園讌集

小園觴飲罷閒步碧溪頭嵐秀秋增色林深晚更幽同

吟今夜月回憶舊年遊風景真堪賞相携逐鷺鷗

德州曉渡

襟帶燕齊此路分舟梁曉渡馬嘶羣舉鞭南指峰如黛
佳氣龍葱結五雲

望岱

芙蓉萬仞插丹梯海上羣峰莫與齊九點青煙看野馬
五更紅日候天雞雲封峭壁松多古蘚積殘碑字未迷
冉冉嶺頭笙鶴下仙壇曾此降金泥

過蒙陰

望裡東蒙近微茫草樹遮面城峯礙日遠郭水鳴沙戶
盡綠桑繭人多摘茗芽曾聞魯酒薄村店一旗斜

扈

蹕閱河

聖主民依切金堤

玉輦臨平成齊禹烈底定慰堯心屢慶禾盈隴勤栽柳
結陰翕河今有頌鼓柷入歌吟

渡揚子江

臨江山勢鬱岩峩江面風和絮亂飄錦纜解開揚子渡
龍旗飛過廣陵潮重光麗日懸天鏡幾道晴虹駕海橋
一曲汾歌懷

帝德榜人齊唱擁蘭橈

金山夜泊遇雨

宿募金山寺今方識化城雨昏春嶂合石激晚潮鳴不
辨江天色惟聞鐘磬聲因知羈旅境觸景易生情

其二

勝地饒佳致都教一雨收
風掀高樹吼江疊怒濤流坐
久雲徐斂宵深象始幽
暫時煩慮息我亦欲勾留

登焦山上方口占

浩浩天邊水蒼蒼山頂松
老僧禪定後隔岫一聲鐘

雨中泊舟楓橋遙對虎阜

維舫楓橋晚悠然見虎丘
塔標雲影直鐘度雨聲幽
僧舍當門竹漁家隔浦舟
茫茫吳越事都付與東流

扈

駕幸西湖

宸章璀璨麗湖軒
映帶烟波羽衛屯
山入

御筵青未了草迎

蹕道綠方繁暮巢鶴
斂雲間翅遠寺僧歸
月下門花柳
六橋爭爛熳齊承

睿日似春溫

世宗憲皇帝御製文集卷二十三

欽定四庫全書蒼要卷一萬三千二百二

集部

世宗憲皇帝御製文集卷二十四

詩雍邱集

五倫圖歌

天樞位地維張人於其間叙倫常五者闕一斯不可上
自朝廷下閨房豈止含齒并戴髮凡有血氣秉彝良試
看翩幡衆羽族接翼引隊朝鳳凰鳳凰高據碧梧儼臨御君
臣禮數何煌煌鳴鶴在陰其子和仙音嘹唳松風長夫

婦唱隨諧琴瑟雙飛雙宿雙鴛鴦可憐鵲鴿至翾細往
來在原集復翔行搖雅有急難意同氣兄弟期相將緬
彼新鶯向春柳金梭織翠為底忙聞聲相悅求其友臨
風百轉和笙簧感茲羣鳥義可取從明五教敷條章丹
青之筆此足貴等閒花草徒芬芳非惟滿紙絢文采良
禽指點醒頑狂若人立志慕忠孝須懸此圖出入瞻玩
無相忘

山氣日夕佳

嶺銜斜照澹雲收翠靄參差晚更幽心靜隨緣皆自得
情空何事可關愁烟鬟碧染蒼茫暮霜葉紅飛爛熳秋
此際若逢陶隱士更邀明月續佳遊

百籟坐自吟

颯然一派起秋林相和無人竟夕吟落葉蕭蕭聲乍隱
懸泉瀲灩響堪尋悠揚豈似臨風笛斷續非關搗練砧
默坐寂寥聽不厭恍於靜裏得空心

秋日隨

駕郊外駐蹕遇雨

村莊駐輦省農田共慶西成惠澤宣
雷繞千峰明遠電雨傾四野響飛泉
博山香爇餘煙裊龍井茶敲活火煎
幾杵鐘聲雲外杳頓令心地覺超然

御題松鶴圖恭紀二首

松

通身鱗鬣作龍文翠色參天半入雲
天筆普垂新雨露一株獨向殿前分

鶴

頂染丹砂縞素衣
青城何日復招歸
一時墨妙邀宸賞
千古名傳丁令威

趵突泉應

制
限七陽韻

歷下重臨羽旆揚
名泉漾漾麗池光
拂開玉鏡涵天影
看湧銀濤噴雪香

睿藻昔曾懸日月
恩輝今又照滄浪
溫然乳液通靈脉

派引陽和浩劫長

珍珠泉應

制 限八庚韻

珍珠舊有名官署一泓明泉在巡撫署內似沸光靡定無風浪

自平流長知物潤源潔覺心清兩度邀

宸賞澄泓荷寵榮

萬壽頌三章

玉殿班齊捧

御筵千官歌祝筭綿延籌添甲子逢初度椿紀干支慶
永年遠貢越裳重九譯來朝絳節會羣仙更張內宴簾
高捲疊奏雲韶響徹天

其二

紫禁春深麗景融熙然身入慶雲中瞻

天有喜趨承近祝

聖無疆拜舞同臺覆

堯眉含秀采神凝

舜目炯方瞳生成竒表占徵應共指南山比壽崇

其三

南極星明耀蔚藍壽昌有象瑞光含聲傳中嶽聞呼萬
絃鼓虞廷度曲三日月升恒皇祚遠海河清晏

聖恩覃捧觴戲綵春長好歲歲慚無貢旨甘

溪水碧於草

傍澗尋花去沿堤步翠行誰將芳草色染得碧溪明衫
縠風中縐眉痕鏡裏生紅顏云易改可似水常清

山居自怡

生平耽靜僻每愛住深山
百卉從榮謝雙丸任往還
朝廷容懶慢天地許清閒
睡起三竿日仙蹤似可攀

今月曾經照古人

磨洗無從鑑更真清光一片自常新
既然此地臨今夕豈不當年照古人
冉冉浮生成往跡茫茫世事總飛塵
會須直上清虛府永向蟾宮伴桂輪

幽居

小築幽居愛近郊，夜遲月色隱林梢。
寒侵珠箔燈光淡，風動紗牕竹影交。
野外鐘聲聞斷續，案頭詩律費推敲。
脩然兀坐情空盡，識得原無物可清。

七夕

萬里碧空淨，仙橋鵲駕成。
天孫猶有約，人世那無情。
弦月穿針節，花陰滴漏聲。
夜涼徒倚處，河漢正盈盈。

即事

晚行西郭外，策馬上層崗。
暑退無多日，疎林已半黃。

一日閒

閉門一日隔塵囂
深許淵明懶折腰
觀奕偶將傍著悟
橫琴只按古音調
新情都向杯中盡
舊慮皆從枕上銷
信得浮生俱是幻
此身何處不逍遙

就正齋九日賞菊

得七陽

重陽高會幔亭張
堦下寒英正吐芳
為羨霜叢矜晚節
同來香徑領秋光
嘉賓落帽風流在
綺席徵歌雅興長
却笑當年彭澤叟
東籬寂寞獨傾觴

寒夜有懷

夜寒漏永千門靜
破夢鐘聲渡花影
夢醒回思記最真
那堪夢短難常親
兀坐誰教夢更添
起步修廊風動簾
可憐兩地隔吳越
此情惟付天邊月

山居偶成

山居且喜遠紛華
俯仰乾坤野興賒
千載勲名身外影
百年榮辱鏡中花
金樽潦倒春將暮
蕙徑歲蕤日又斜
聞道五湖烟景好
何緣蓑笠釣汀沙

途次暑雨

決瀉夏雲屯滂沱塞雨繁
繞渠沙路淨注澗石泉
渾鶴浴依丘垤駝鳴傍水源
涼颺起林末吹入小行軒

山頂船樓

樓居製做船居好山檻風如水
檻多飄渺千峰翻翠浪
怒號萬木吼蒼波晴霞片片開
帆影禽鳥聲聲唱棹歌
閒挂一篙雲外泛青松白石任吟哦

中元登獅子嶺感懷

晚登獅子嶺四望淨雲烟葉落瘦崖樹雨過響澗泉人
顏移歲月秋色老山川令節須酬賞天空月正圓

妙高堂

碧峯頂上結茆廬可擬巢由物外居雲變白衣眼底事
風翻貝葉案頭書性天融會無今古心月圓明徹太虛
睡起北窓時一嘯千山答響自如如

早起寄都中諸弟

曉起輕寒透薄帷風光節物暗推移正當邊塞秋臨早

况是關山月落遲一鴈孤鳴驚旅夢千峰攢立動詩思
鳳城諸弟應相憶好對黃花泛酒卮

熱河閒詠七首

塞北開行殿窻臨萬壑松雲封雙塔嶺煙鎖磬錘峯飄
渺層巒接盤迴曲徑重紅塵難到處何事不從容

其二

一人臨塞北萬里息邊烽朽木含生意閒花逞冶容夔
魘潛隱跡虎豹盡藏蹤羣動無紛擾惟聞響梵鐘

其三

避冗原無意，搜竒念久灰。
境幽饒野趣，山靜絕浮埃。
馴鹿時來去，閒雲自往回。
長年願養得，何畏景光催。

其四

卜居豈為避，三庚巖壑幽。
深氣象清絕，頂蒼松多古韻。
前川皓月倍常明，薄衾坐擁渾忘我。
高枕歌吟別有情，萬籟寂然銀漢轉。
一聲破夢曙鐘鳴。

其五

泠泠碧澗勝絲竹疊疊蒼岩列畫圖異卉手拈陳几案
野蔬親摘付庖厨間中隨展經千頁睡起新烹茶半壺
莫謂超然解遺世廟堂清福一慵愚

其六

山深地僻塵囂隔斜蔭茆堂百尺松石壁有斑憑雨鑿
柴門無鑰倩雲封盤巖曲磴留麋跡繞砌平沙印鶴蹤
夢覺南牕何所事獨吟獨酌儘從容

其七

閒來忘暑兼忘我浩氣沖融貫太虛
城市山林君子宅
山林城市帝王居不尋仙客談元旨
懶覓高僧講梵書
天地古今惟一嘯悠然自得有誰如

恭謁五臺過龍泉關偶題

隔斷紅塵另一天
慈雲常護此山巔
雄關不阻驂鸞客
勝地偏多應跡賢
兵象銷時崇佛象
烽烟靖始颺爐煙
治平功效無生力
贏得村翁自在眠

將至五臺山月下作

深沉院落隔罽塵夜靜高懸月一輪芍藥欄邊藏祖意
葡萄架裏露天真契機且共論詩酒忘我何妨互主賓
聞說臺山慕直路明朝不必問前津

仲秋有懷

翻飛庭院葉初乾悵快難禁獨倚欄兩地西風人夢隔
一天涼雨鴈聲寒驚秋剪燭吟新句把酒論文憶舊歡
辜負此時曾有約桂花香好不同看

秋夜直院

碧落沉沉蠟炬寒
清秋直院夜將殘
金吾禁肅千門靜
玉漏聲稀列宿闌
宮樹半籠蟾影澹
天街欲濕露華溥
垂簾兀坐心如水
此際憑誰舉話端

世宗憲皇帝御製文集卷二十四

欽定四庫全書會要卷一萬三千二百三

集部

世宗憲皇帝御製文集卷二十五

詩 雍邱集

長至日

候瑄灰初動瞳矐旭日臨晴光金闕迴佳氣帝城深
子建三微首功添一線陰靜觀消長理不息見天心

梅花二首 步林和靖韻

冰蕊舒芬臘欲殘香魂脉脉自凌寒先春不借東皇力

冒雪惟容隱士看素面濃嫌梨粉艷仙標狂鄙柳綿乾
玲瓏鐵榦珠光映宛若疎星傍晚闌

其二

開遲寧逐雪消殘歲底曾經徹骨寒未識芳心何處託
欲將冷眼向誰看飲餘含笑香微吐暖入凝酥暈不乾
一種天然清意味每牽幽賞到更闌

松

矯矯拂雲姿能教衆木卑蒼鱗疑挾雨翠鬣靜含颺花

暖飄香粉膏流結紫芝千齡待黃鶴集此最高枝

竹

綠染竿竿潤青籠个个陰節高寒愈勁氣潔暑難侵密
雨驚龍起清風引鳳吟幸邀君子號爲爾解虛心

梅

瘦影亭亭立幽香細細清竹希霜後操松訂歲寒盟先
得東風意猶含太古情超然羣卉外一味澹爲生

元旦

輝輝燈火曙光連
氣淑風條景物鮮
雙闕禁鐘鳴朔旦
千門春帖迓芳年
金花雜組新裁勝
栢葉清樽喜侍筵
仰戴

聖皇康且壽
長朝元節沐

恩偏

春日閒行

清旭籠雲暖氣含
遠山如黛水如藍
啼鳩到處青桑隴
乳鴨誰家碧柳潭
公子醉鞭金勒騎
佳人笑摘野花簪

春光駘蕩東風緩蜂蝶悠揚晚更慙

園居二首

晴暉蕩林翠芳岫映春漪燕怯飛還歇鷗馴信可期
異書探古字真蹟辨藏碑晚更攜蘭棹溯洄月上遲

其二

懶問浮沉事閒娛花柳朝吳兒調鳳曲越女按鸞簫
道許山僧訪暮將野叟招漆園非所慕適志即逍遙

風

綰影悠揚五兩輕
少男應律蟄蟲驚
破萌拆甲全無跡
拂幔開楹若有情
草偃方將行夏令
條鳴切莫變秋聲
松濤竹籟俱堪賞
雪後飄梅韻更清

花

深淺穠纖萬種姿
愛花自古有情癡
書窓艷入紅牙管
粧鏡嬌添綠鬢絲
韋曲千芳初放日
洛陽群卉正當時
若將解語朱顏比
爭似長年錦滿枝

雪

誰把冰綃細剪裁，絮飄軒檻粉鋪苔。千山種遍峯峯玉，
九陌開齊樹樹梅。鶴氅離披驢背詠，漁簑冷淡鴨頭回。
驂鸞擬赴瑤池宴，飛舞瓊花入酒杯。

月

體空質妙稟陽輝，一鏡明能徧九圍。冷伴畫樓吹玉笛，
清臨香閣理金徽。纖纖柳外星光隱，寂寂花間燭影微。
獨有滄江烟浪裏，扁舟載得滿輪歸。

池邊

齋居讀書暇晚向池邊步水面落花浮水底行雲度山
色從西來泉聲日東注靜觀物何閒超然得妙悟

花前

小園目眩攬羣芳紅紫成帷錦繡張次第迎風爭獻笑
參差向日各分香無名也自矜韶節入品方堪逞艷陽
抱蕊攢英蜂與蝶何曾解得惜春光

清涼紀遊一十四首

入山

清涼境界梵王宮碧染芙蓉聳昊宮萬古雲封五頂寺
千株松納四時風盤迴鳥道珠幡裏繚繞爐烟盡障中
石立儼然如接引疑逢青髻化身童

東臺

嵯峨東陟插雲峯壁翠巖蒼亘百重妙吉祥師常說法
那羅延窟慣藏龍遠窺滄海初升日響振空林欲曙鐘
一派明霞光絢爛天然佛鏡豁心胸

南臺

巋然秀拔峙南臺頂勢穹窿若覆盃香閣遙瞻烟鎖處
寶燈聞說夜飛來仙巖鋪錦憑誰繡虎窟屯雲爲我開
欲禮真容先在望頻催前騎躡崔嵬

西臺

掛月巖前一徑探岩堯紫翠疊烟嵐圓機風與溪相答
秘義人同石共譚靈異蹟多難罄筆清涼峯好畫如簪
無邊覺海毫端入八水源頭不用參

西臺有八
功德水

北臺

北臺秀矗斗杓傍樓殿凌虛結上方衆壑俱從簷下落
萬緣都向檻邊忘洪河如帶明分野恒嶽為鄰接大荒
世界三千空色喻豈離般若一毫光

中臺

五朵青蓮簇翠鬢我我一朶湧中間近來若個宗風徹
至此方知佛日間採菊梵仙歸洞去踏花獅子自空還
法身寶塔門門現畢竟遊人未到山

真容院

殊像原無二莊嚴屬畫工昔聞叱牛叟今見跨獅翁月
面光瑩玉珍纓貫慧風真容從未隱謾道現虛空

清涼石

光寒如鏡卧深雲半是雲斑半蘚紋誰識方方一片裏
古今容盡屐交紛

其二

體本清涼自解煩天然秀色蓄雲根曼殊說法今何在
參客空尋趺坐痕

過清涼山諸寺

祇林幾處隱松關
門帶寒溪碧玉灣
歷叩花宮尋白足
遍登香閣看青山
無塵覺地猿能定
不繫禪心雲共閒
一片清涼蒼翠色
家家分得滿窓間

出山途中口占

路轉層臺樹幾重
綠陰如幄護金容
行從琪草瑤花過
衣染生香百和濃

其二

日射關門宿霧開
化城咫尺首重回
仙雲片片隨行騎
直自清涼山頂來

射虎川臺麓寺

精藍鬱鬱起碧巖
幽此日齋誠駐紫駟
東指鳳城雙闕迥
西瞻鷲嶺半空浮
梵鐘縹緲香雲外
寶翰昭回古殿頭
神表天弧開淨域
河沙浩劫頌宸遊

再度龍泉關

遨遊從淨土安穩度香城鳥亦通禪悅松如響梵聲山
嵐朝夕幻關柳去來迎鳳闕

慈雲近惟殷問

寢情

熱河道中

山色嵐光映馬羈軟沙細草緩鳴鞭花開遍野時飛蝶
雲散晴空好射鳶孤店酒帘飄柳外幾家溪水遶門前
穿林暮返携鋤叟畧得歌斜度晚烟

湖亭觀荷

館宇清幽曉氣涼更宜澹蕩對烟光湖平水色涵天色
風過荷香帶葉香戲泳金鱗依密荇低飛銀練貼芳塘
蘭橈折取憐雙蒂殊勝陳隋巧樣粧

河燈

月湧湖心白燈燃湖面紅琪花開色界電彩燦虛空棹
泛明河裡人遊列宿中蘭舫鳴梵唄飄入藕花風

田家四時詞

六言

春

陌頭楊柳初放溪上桃花欲燃處處青鳩呼雨家家黃犢耕烟牧童羣嬉挑菜餉婦自解撐船借問浪遊城市何如樂業村田

夏

帶露葉盈蠶箔翻雲麥熟田家白水千塍秧馬綠陰幾戶綠車日午鳴蟬遠近風薰飛燕橫斜男女適均勞逸相逢只說桑麻

秋

風露微涼天氣四鄉一派秋光
蕎吐東阡雪白禾香南畝雲黃
青刈園蔬足雨紅收林實經霜
舉室欣逢樂歲商量菜圃登場

冬

靄靄炊烟茆舍霏霏臘雪柴門
闌靜閉眠羔犢離牢安穩鷄豚
夜織梭鳴啞軋朝春杵韻喧繁
賽社爭搗祭鼓歌呼新釀盈盆

亭上

幽亭臨玉沼芳草帶金塘石疊玲瓏巧花飄荏苒香油
雲翻濕影絲雨濺虛涼倚檻紆流覽天容蕩水光

閏中秋

一年最是中秋好八月欣逢兩度過彩耀桂輪前夕滿
涼生玉露此時多是日交節入簾喜若重來客照席歡宜續
舊歌自笑閒情誰得似漏深更戀賞金波

大覺寺

翠微塵外境峯壑畫圖成寺向雲邊出人從樹杪行香
臺喧鳥語禪室遶泉鳴日午松陰轉鐘傳說偈聲

月夜泛舟

隄柳陰分舉畫橈數聲嘔軋蕩輕舸芙蓉館北香浮沼
桑柘村西月滿橋雪鳥衝烟孤鷺起金鱗破浪巨魚跳
溯洄一片清光裏心會南華秋水謠

秋夕

初月明樓角微風動樹條夜涼蟲語細秋老雁聲驕息

慮徵神爽忘懷覺境超陰陰深竹裏時見一螢飄

九日

九日秋容老山山晴色宜紫萸香可佩黃菊艷當時屐
爲登高著尊因選勝移願言多載酒拂石醉題詩

黑龍潭

平麓蟠崇阜雲潭結澗阿鏡光涵鐵冷溜響噴珠多秘
識龍藏穴深疑蜃蛻窩農田望霖雨於此乞恩波

擬漁樵耕牧四首

漁

舴艋漂搖隨處家一篙綠水度年華
風曾逐浪蘋溪遠雨網衝烟柳渚斜
在在耽閒盟白鷺朝朝買醉饌紅蝦
團團兒女歡蓬底豈羨浮名舉世誇

樵

一生蹤跡在烟霞不植條桑不種麻
翠栢斫來青帶葉古藤擔去紫垂花
歌長時引猿窺穴歸晚常乘月到家
笑指雲山爲活計那須卮酒祝篝車

耕

茅屋踈籬翠蔓牽繞籬桑柘翳平田村中斑白閒無事
隴上青黃喜有年比戶機梭鳴月下一家兒女聚燈前
那能更羨公侯貴蟹美魚肥稻熟天

牧

平原淺草澹烟和指點牛羊下綠坡逐隊飲時泉響細
偷閒卧處柳陰多長河曲岸悠揚笛斜日微風斷續歌
借問道傍騎馬客何如犢背穩披蓑

四花詞

桃花

玉洞仙葩絳露滋
纖濃早占仲春時
群芳奪色朝霞艷
向日先開第一枝

荷花

綠蒂紅衣薄
醉妝凌波舒影覆
鴛鴦蓮房有子心
偏苦藕節含香絲更長

桂花

月殿珠英綻嫩黃，婆娑翠葉隱微霜。爲含貞性能長潔，
獨向秋風壓衆芳。

梅花

綽約瓊姿澹自真，清標冒雪倍精神。不同羣卉爭妖艷，
一種寒香最可人。

元夕過僧寺

步入東林月滿壇，逶迤曲徑遶平欄。禪心清淨塵心遠，
燈影幽微旛影寒。香煮玉泉分茗椀，靜依寶筏坐蒲團。

廟堂不繫偷閒客得向宗門舉話端

初春郊行

土膏開動草芬芳緩轡循行十里塘
細雨斜飄山漸綠小桃半吐柳初黃
閒隨戲水沙鷗狎又見營巢海燕忙
寫目物情忻自得良辰倍覺惜韶光

臨軒寫目

綺窓罷撫紫瓊琴香燼金爐鶴夢沉
多事草偏名醒醉可人花解結同心
風翻曲沼千層碧雲過重簷一霎陰

欄外有情雙蛺蝶翩翩飛入海棠深

三春景物滋

陽春百物向榮時况復郊原雨露滋
黍綠禾青麻翳隴桃紅李白杏交枝
遊蜂舞蝶紛紛戲乳燕鳴鳩處處宜
幸際

聖皇熙皞世佳辰若負便爲癡

睡起

小齋岑寂漏聲遲書卷香爐得自怡
花不識愁工巧笑

柳恒如醉類情癡夢回窻隙風翻帙光動簾鉤月映池
靜裡陶然清興劇苔牋石墨坐題詩

柳絮

棟花風過雪霏霏萬點沾衣不濕衣輕逐東西香轂轉
狂隨來去馬蹄飛河橋漠漠迷漁艇村店紛紛撲酒旗
巧入疎簾如有意拂琴飄卷伴書幃

春深閒居

長日愜幽棲軒窻面小溪雲開徐自斂鳥歇又重啼愛

水頻垂釣看花偶一題坐憐春已暮望裡綠陰齊

詠牡丹

酣艷枝枝五色妝難將蘭麝與論量欲留春住舒竒彩
獨擅嬌多領衆芳天女霞冠簪寶髻仙妹玉佩曳霓裳
瓊漿飲罷瑤池宴雙頰潮紅膩粉光

新綠

昨樹花多葉今看葉勝花翠含新色嫩綠重午陰斜霽
景鳴乾鵲烟光亂乳鴉最宜初夏候掩映碧牕紗

寓目

漠漠雲無際
茸茸草漸齊
花繁從徑窄
溪漲覺橋低
捎蝶巢梁燕
斲魚沒浪鷗
偶來松下坐
斜倚看澆畦

詠榴花

春芳零落絳英佳
獨茂薰風正色諧
翠葉布陰新綠染
蕊珠吐艷密紅排
石家擊碎珊瑚樹
趙燕攢成瑪瑙釵
好是一花生百子
中含瓊液笑當階

午日

綠菖青艾絳紗囊菰葉堆盤解粽香競渡楚人傳故事
賣符道士弄靈章葵心向日擎枝麗榴火燒雲並蒂芳
拂拂薰風初試葛華軒揮扇引蒲觴

池上待月

水含夕籟靜余亦澹懷空星彩低穿樹花香暗度風初
看幽徑白漸露小橋紅行到天心處清光更不同

雨後園亭即景

玉溪宛轉雲流鏡翠巘參差黛掃屏堤樹風翻深淺葉

徑苔雨染淡濃青
鳴琴遙和巖頭瀑
涼箔齊鈎水面亭
最是夜初羣籟寂
臨軒坐擁一湖星

世宗憲皇帝御製文集卷二十五